

難

經

正

義

難經正義卷之四

春秋齊勃海扁鵲秦越人 著

明會稽庠生玄臺馬 蔣註證

上海文元水玄戴士琳叅閱

雲間醫官鶴琴高 科批評

門人儒醫春塘張 通校正

二十八難曰其奇經八脉者既不拘於十二經皆何起何

繼也

王三陽云繼經王叔和脉經作繫

此一節問奇經八脉之運行必有所起所止也起者脉始發之處也繼者脉續之以行而有所止之謂也言奇

經八脉既非十二經之所能拘矣其運行必有所始而亦必有所繼庶幾相續以行而至於有所止也

然督脉者起於下極之俞並於脊裏上至風府入屬於腦此一節言督脉之所起所繼也督之爲言都也爲陽脉之海所以都綱平陽脉也言督脉起於下極之俞卽兩陰之間會陰處兩筋間爲纂纂內深處爲下極督脉之所始也並於脊裏上至風府入腦上顛循額至鼻柱而終焉

正考證

本節之辭出自素問骨空論

岐伯曰督脉者起於小

腹以下骨中央女子入繫廷孔其孔溺孔之端也其絡循陰器合纂間繞纂後別繞臀至少陰與巨陽中絡者

同本

合少陰。上股內後廉。貫脊屬腎。與太陽起於目內眥。上額交巔。上入絡腦。還出別下項。循肩髃內。俠脊抵腰中。入循脊絡腎。其男子循莖下至篡。與女子等。其少腹直上者。貫臍中央。上貫心入喉。上頤環唇。上繫兩目之下中央。按。下極之俞。即任脉經之穴也。其名曰會陰。係兩陰而行。腹極由氣衝行。足少陰蓋一源而分三岐也。張世賢註。下極之俞。為長強穴者。非又按素問。謂督脉入腦。上顛。循額。至鼻柱。何越人以為入腦而止。蓋越人之所言者。大畧耳。當以素問為詳。任脉者。起於中極之下。以上至毛際。循腹裏。上關元至咽喉。

此一節言任脉之所起所繼也。任之為言妊也。為婦人

生養之本。陰脉之海也。言此脉起於中極之下。即下極之俞。雖有曲骨穴。還始於會陰穴也。任脉由此而行於腹。以上毛際。循腹裏。上關元至咽喉。而終焉。

正考證

本節之辭。出自岐伯曰。任脉者起於中極之下。以上毛素問骨空論。

際。循腹裏。上關元。至咽喉。上頤。循面入目。

按關元穴。臍下三寸。中極

穴。臍下四寸。曲骨穴。中極下一寸。會陰在兩陰之間。張世賢滑伯仁因中極之下。即註云。始於曲骨穴者。非也。蓋任脉由會陰而始焉。得謂始於曲骨。其亦疑於中極之下。遂如此云。然則會陰之間。又非中極之下。即下極之俞乎。

衝脉者。起於氣衝。並足陽明之經。夾臍上行。至膺中而散

也。

此一節言衝脉之所起所繼也言衝脉者始於足陽明胃經氣衝穴並足陽明之經夾臍上行至育中而散焉

正考證

本節之辭出自素問骨空論

岐伯曰衝脉者起於氣衝並

少陰之經俠臍上行至育中而散

按此難言並足陽明之經素問作並足少

陰之經並足少陰經其俞府穴在璇璣旁二寸氣衝穴係足陽明經在會陰旁四寸則腎經行於肉而胃經行於外各去二寸寧非相並而行者乎滑伯仁曰當從素問者為是又按張世賢熊宗立謂氣衝穴在小腹毛中兩旁各二寸者非蓋臍旁二寸即天樞穴天樞下一寸即外陵天樞下二寸即大巨天樞下五寸即水道天樞下七寸即歸來共去中行二寸其氣衝去中行四寸在臍際之上一寸其臍際即橫骨盡處也又張世賢註云脉循足少陰腎經而行故曰並足陽明經殊不知氣衝乃足陽明經之穴而何以並之又何以曰循足少陰其言皆起於越人之訛也蓋知張世賢未甚明得經絡者

附考證

女子有子無子皆由衝任

二脉之有盛有衰

素問上古天真論岐伯曰女子二七而天癸

至任脉通太衝脉盛月事以時下故有子三七腎氣平

均故真牙生而長極四七筋骨堅髮長極身體盛壯五

七陽明脉衰面始焦髮始墮六七三陽脉衰於上面皆

焦髮始白七七任脉虛太衝脉衰少天癸竭地道不通

故形壞而無子也靈樞五音五味篇岐伯曰衝脉任

脉皆起於胞中

女子附考證

衝脉爲十二經之海

靈樞逆順肥瘦篇黃

帝曰少陰之脉獨下行何也岐伯曰不然夫衝脉者五

藏六府之海也五藏六府皆稟焉其上者出於顏頰滲

諸陽灌諸精其下者注少陰之大絡出於氣街循陰股

諸陽灌諸精其下者注少陰之大絡出於氣街循陰股

內廉入臍中。伏行肝骨內。下至內踝之後。屬而別其下者。並於少陰之經。滲三陰其前者。伏行出跗。屬下循跗。入大指間。滲諸絡。而溫肌肉。故別絡結。則跗上不動。不動則厥。厥則寒矣。素問痿論。歧伯曰。衝脉者。經脉之海也。主滲灌谿谷。與陽明合於宗筋。陰陽總宗筋之會。會於氣街。而陽明爲之長。皆屬於帶脉。而絡於督脉。故陽明虛。則宗筋縱。帶脉不引。故足痿不用也。靈樞海論。歧伯曰。衝脉者。爲十二經之海。又曰。血海有餘。則常想其身大。怫然不知其所病。血海不足。亦常想其身小。狹然不知其所病。按李時範云。血有血室。人身之有血室者。乃血停止之所。經脉留會之處。

即衝脉是也。衝脉者，奇經八脉之一脉。起於臍下，出於氣街，並足陽明經夾臍上行，至於胃中而散爲十二脉。經之海，衝爲血海。言諸經之血，朝會於此。男子運行之女子，則上爲乳汁，下爲月水。正任脉通，衝脉盛，月事以時下者，是也。陰靜海滿而去血，謂衝脉盛爲海，盛滿也。即是觀之，衝是血室可知矣。傷寒之邪，婦人則隨經而入，男子則由陽明而傳，以衝之爲脉，與少陰之絡起於腎。女子感邪太陽，隨經便得而入，衝之經并足陽明。男子陽明內熱，方得而入也。衝之得熱，必血妄行。在男子則下血，嚴語在婦人則月水適來。陽明病下血，嚴語此爲熱入血室。此蓋言男子不止謂婦人也。婦人傷寒經水適來，與經水斷者，皆以經氣虛，宮室不閉，邪得乘虛而入。此熱入血室，乃婦人也。

帶脉者，起於季脇，迴身一周。

此一節言帶脉之所起所繼也。帶之爲義，猶束帶也。言此脉起於季脇，卽是厥陰肝經章門穴，繞身一周，是以

謂之帶耳

附考證

按章門穴係下腕旁九寸。鍼灸節要書謂帶脉起於季脇下一寸八

分更詳之。按此難論八脉為病皆出於素問骨空論。然骨空論止有任衝督三脉起止為病。而其餘五脉則未之見。至考氣府論氣穴論止有陰陽蹻兩穴。陰陽蹻各一二語。痿論有帶脉不調刺痿痛篇有陽維之脈靈樞脉度篇又有蹻脉起止等論。越人之言其必有所本也。

陽蹻脉者起於跟中循外踝上行入風池

跟音根。踝切。

此一節言陽蹻脉之所起所繼也。蹻之為言捷也。言此

脉之行猶如動足之行走而連捷也。跟後踵也。踝踝骨

也。陽蹻者起於足之外跟中。即足太陽之申脉穴循外

踝而上行入足少陽膽經之風池穴焉。

陰蹻脉者亦起於跟中循內踝上行至咽喉交貫衝脉

此一節言陰蹻脉之所起所繼也言陰蹻脉者起於足

之內踝中即足少陰之照海穴也循內踝而上行至咽

喉與衝脉之至胷中者而交貫焉按素問氣穴論岐伯

水註云陰蹻穴在足內踝之下是謂照海陰蹻所生陽蹻穴在足外踝之下是謂衝脉陽蹻所生又按素問氣

府論論脉氣所發云陰陽蹻各一王冰又註云陰蹻一

謂交會穴陽蹻一謂附陽穴夫照海交信皆足少陰腎

經穴申脉附陽皆足太陽膀胱經穴今王冰前後註有

不同據後註有一之一字則是援引他說之意當以照

海申脉之
正考證蹻脉起止意見
穴為的
靈樞脉度篇黃帝曰蹻脉安起

安止何氣榮水歧伯答曰蹻脉者少陰之別起于然骨

之後上內踝之上直上循陰股入陰上循脊裏入缺盆

上出人迎之前入頰屬目內眥合于太陽陽蹻而上行

氣并相還則爲濡目氣不榮則目不合。又黃帝曰。踰脉有陰陽。何脉當其數。歧伯答曰。男子數其陽。女子數其陰。當數者爲經。其不當數者爲絡也。

陽維陰維者。維絡於身。溢畜不能環流。灌溉諸經者也。故陽維起於諸陽會也。陰維起於諸陰交也。滑伯仁曰。溢畜

諸經者也。十二字當在十二經亦不能拘之下。愚今姑依正文解之。

此一節言陽維陰維之維絡於身。觀其所起。而其所繼者在是矣。維之爲言持也。陽維陰維者。所以維絡於一身之中。爲陰陽之綱維也。其爲脉也。溢滿畜聚。無周流一定之道路。不比他經之能環流灌溉諸經者也。凡諸

手足陽經相會之所則此陽維者遂起而維絡之矣凡諸手足陰經所交之地則此陰維者遂起而維絡之矣觀其所起而其所繼者謂不在其中乎

正考證

按陽維所

發別於金門以陽交為郄與手足太陽及踇脈會於臑俞與手少陽會於天窈及會肩井與足少陽會於陽白上木神臨泣正營腦空下至風池與督會於風府痙門此陽維之起於諸陽會也陰維之郄曰築賓與足太陰會於腹哀大橫入與足太陰厥陰會於府舍期門又與任脈會於天突膈臬此陰維起於諸陰之交也

比於聖人圖設溝渠溝渠滿溢流於深湖故聖人不能拘通也而人脈隆盛入於八脈而不還周故十二經亦不能拘之其受邪氣畜則腫熱硃射之也還音旋硃悲廡切愚熱硃射之也十二字謝氏以為本文上下當有缺文然脈經無此疑衍文也或云當在三十七難關格不得盡

其命而死矣之下。因邪在六府而言。今姑依正文釋之。

此一節言八脉之所以不拘於十二經。而邪盛則當刺之也。言奇經八脉其所起所繼固如此也。然而不拘於十二經者。何哉。比如聖人圖設溝渠。所以通利水道也。自夫溝渠滿溢。則流入於深湖之中焉。故聖人不能必以溝渠而拘通之也。猶人之有脉。經脉絡脉皆已隆盛。始入於八脉之中。而不必還周於正經。故十二經亦不能拘制之也。其八脉受邪畜聚。則發而爲腫爲熱。遂當以砭石而射之焉。古人以石爲鍼。曰砭。射之爲言刺也。二十九難曰。奇經之爲病何如。然陽維維於陽。陰維維於

陰。陰陽不能自相維。則悵然失志。溶溶不能自收持。陽維爲病。苦寒熱。陰維爲病。苦心痛。

此一節論奇經之爲病。而首舉陽維陰維之病以見之也。前篇末言八脉受邪氣畜。則爲腫熱。當砭射之也。然八脉之爲病。不止於腫熱而已。故此篇問奇經之爲病者何如。然陽維起於諸陽之會。所以維持一身之陽也。陰維起於諸陰之交。所以維持一身之陰也。今陽維不能維持諸陽。陰維不能維持諸陰。而陰陽不能自相維。則氣血不貫。精神懈怠。而五志在人。悵悵然如有所失也。猶夫水之溶溶緩流。不能自有所收持者矣。將見陽

維主氣行乎外。今陽維受病。則氣不能衛其外。而有惡寒發熱之證焉。其病之在表而不在裏者如此。陰維主血行乎內。今陰維受病。則血不能營於心。而苦心痛焉。其病之在裏而不在表者又如此。

難經

按滑伯仁曰陰不能

維於陰。則悵然失志。蓋以志在內。陰主之也。陽不能維於陽。則溶溶不能自收持。蓋以收持在外。陽主之也。又按王叔和脉經註云。悵然者。其人驚。卽維脉緩緩。則令身不能自收持。卽失志善忘恍惚也。

陰蹻爲病。陽緩而陰急。

此一節言陰蹻爲病。不在陽而在陰也。言陰蹻自內踝而上行。至咽喉。交貫衝脉所散之地。凡所行者。皆陰分也。故陰蹻受病。則彼陽蹻經歷之處。無所與焉。其陽分

當緩而此陰分則急者矣。病之不在陽而在陰者如此。

訂義

按張世賢云。緩急。卽虛實之義。愚以爲病勢輕重。脉氣虛實。筋膜弛縮。身體快痛。冷熱皆

可以緩急言也。

陽蹻爲病。陰緩而陽急。

此一節言陽蹻爲病。不在陰而在陽也。言陽蹻者。自外踝而上行。入於風池。凡所行者。皆陽分也。故陽蹻受病。則彼陰蹻經歷之處。無所與焉。其陰分當緩。而此陽分則急者矣。病之不在陰而在陽者如此。

衝之爲病。逆氣而裏急。

此一節言衝脉爲病。不能行於上。而必有所急於內也。

言衝脉起於氣衝。並足少陰夾臍上行。至脊中而散。與裏固其所行之脉路焉。今衝脉受病。故其氣逆而不能上。何以能至脊中而散也。氣聚腹中而不能散。何以免在裏之急也。其為病之在裏者如此。

正考證

本節之辭出自

素問骨空論。

歧伯曰。衝脉為病。逆氣裏急。

督之為病。脊強而厥。

此一節言督脉之為病在於脊也。言督脉起於下極之俞。並於脊裏。上至風府。入屬於腦。則脊固其所行之脉路焉。今督脉受病。則脊強而厥逆。乃其所必然者矣。厥之為言逆也。病之在於脊者如此。

正考證

本節之辭出自素問

論。岐伯曰。督脉爲病。脊強反折。又云。此生病從少腹上衝心而痛。不得前後。爲衝疝。其女子不孕。瘕痔遺溺。嗌乾。

任之爲病。其內苦結。男子爲七疝。女子爲瘕聚。

此一節言任脉之爲病在於內也。內之爲言腹也。言任脉起於中極之下。以上毛際。循腹裏。上關元。至咽喉。則腹固其所行之脉路焉。故任脉起會陰行於腹。其內苦結聚而不散。乃其所以爲病耳。男子有結聚之苦。則當爲七疝焉。按七疝者。丹谿謂寒疝。水疝。筋疝。氣疝。狐疝。寒疝。氣疝。蠃疝。附疝。狼疝。是也。又袖珍方七疝。則厥疝。莖疝。素問四時刺逆從論厥陰不足。滑則病狐疝風。少陰不

足。滑則病肺風症。太陰不足。滑則病脾風症。陽明不足。滑則病心風症。太陽不足。滑則病腎風症。少陽不足。滑則病肝風症。素問大奇論。腎脈大急沉。肝脈大急沉。皆為疝。心脈搏滑急。為心疝。肺脈沉搏。為肺疝。又云。三陰急。為疝。素問脈要精微論。帝曰。診得心脈而急。此為何病。病形何如。歧伯曰。病名心疝。少腹當有形也。帝曰。何以言之。歧伯曰。心為牡藏。小腸為之使。故曰少腹當有形也。素問脈解篇。厥陰所謂癰疝。婦人少腹腫者。勝陰者。辰也。三月陽中之陰。邪在中。故曰癰疝。少腹腫也。素問至真要大論。陽明司天。下有丈夫癰疝。陰陽別論。歧伯曰。三陽為病。發寒熱。下為癰腫。及為痿厥。癰疝。其傳為索澤。其傳為積疝。素問五藏生成篇。青脈之至也。長而左右彈。有積氣在心。下支法。名曰肝痺。得之寒濕。與疝同法。腰痛足清。頭脈緊。黃肝之至也。大而虛。有積氣在腹。女子有結聚之苦。則當為癥聚焉。中。有厥氣。名曰厥疝。按癥名有八。蛇癥。脂癥。青癥。黃癥。燥癥。血癥。瘀癥。是也。素問大奇論。腎脈小急。肝脈小急。心脈小急。不鼓。皆為癥。腎肝并沉。為石水。又云。三陽急。為癥。病之在於腹者如此。

本難之辭出自素問骨空論。

歧伯曰任脉爲病男子內結七疝女子

帶下瘕聚。

按王叔和脉經註云任脉起於胞門子戶故其病結爲七疝瘕聚。

帶之爲病腹滿腰溶溶若坐水中。

此一節言帶脉之爲病在腹與腰也。言爲帶脉者起於季脇迴身一周則在後爲腰在前爲腹乃其所行之脉路也。今帶脉受病自爾少腹脹滿腰覺溶溶無力若坐水中者矣。病之在腹與腰者如此。

此奇經八脉之爲病也。

此一句總結上文八脉之爲病有如是也。滑伯仁云此各以其經脉所過而言之。

三十難曰榮氣之行常與衛氣相隨不然經言人受氣於穀穀入於胃乃傳於五藏六府五藏六府皆受於氣其清者爲榮濁者爲衛榮行脉中衛行脉外榮周不息五十而復大會陰陽相貫如環之無端故知榮衛相隨也榮俱作營義見

難一

此一篇言營氣之行與衛氣之行常相隨而無間也營者運也營氣者精氣之爲陰氣者也此氣隨宗氣以運行於經隧之中故靈樞營氣衛氣篇皆謂精氣之行於經隧者是也義見衛者護也衛氣者精氣之爲陽氣者也此氣目張則行於陽分而陽盡始入於陰分靈樞衛

氣篇所謂浮氣之不循經者是也

義見一難

惟衛氣之行不

循於經隧而營氣之行必循於經隧必有疑夫營衛之

不相隨者遂設為此難而言營氣之行常與衛氣相隨

否然經言人之大氣

又名宗氣

皆受之於穀氣者也蓋以穀

入於胃其精微之氣即所謂大氣者始從中焦乃傳於

手太陰肺

按靈樞營衛生會篇本是肺字難經則誤作五藏六府四字今當以肺字為的蓋必始於

肺而後能傳之於五藏六府也

而自此以傳於手陽明大腸足陽明胃

足太陰脾手少陰心手太陽小腸足太陽膀胱足少陰

腎手厥陰心包絡手少陽三焦足少陽膽足厥陰肝凡

五藏六府皆已受此精微之氣也

按上文人受氣於穀言精微之氣受之於

穀則此皆受於氣之氣字。即上文之氣字。皆指精微之
氣言。滑伯仁指爲穀氣之氣者。非。但木難用。皆受於三
字。其口氣以爲穀氣。不若靈樞用皆以受三字。夫此大
則口氣隨上文肺字來。而分明爲精微之氣矣。氣固出於上焦。而其中焦下焦者。皆此氣之所統。故
上下升降之際。氣之清者。則爲營。而氣之濁者。則爲衛
焉。蓋營乃陰精之氣體。本濁而在下者也。然陰不生於
陰。而生於陽。正以中焦之氣。陽中有陰者。隨上焦之氣
以降於下焦。而生此陰氣。故謂之清者爲營也。所謂營
氣出於中焦者。是已。衛乃陽精之氣體。本清而在上者
也。然陽不生於陽。而生於陰。正以下焦之氣。陰中有陽
者。隨中焦之氣。以升於上焦。而生此陽氣。故謂之濁者

為衛也所謂衛氣出於下焦者是已

按清濁二字非指

穀之清濁之氣肺莫甚焉李東垣曰清者體之上也陽也火也離中之一陰降故年後一陰生即心之生血也故曰清氣為榮益天之清不降天之濁能降為六陰驅而使之下也云清氣者總雜之體言之濁者體之下也陰也水也坎中之一陽升故子後一陽生即腎之生氣故曰濁氣為衛益地之濁不升地之清能升為六陽舉而使之上也云濁氣者總坎之體言之素問陰陽應象大論曰清陽為天濁陰為地地氣上為雲天氣下為雨雨出地氣雲出天氣此之謂也夫觀東垣之言雖即指血為營氣為衛為未當而陰陽升降清濁之義則得岐伯之旨矣又按靈樞經水篇岐伯曰天為陽地為陰腰以上為天腰以下為地則知腰以下為地陰也而營氣屬陰乃中焦之氣降而生之故曰清者為營而營氣出於中焦腰以上為天陽也而衛氣屬陽乃下焦之氣升而衛生之故曰濁者為衛但此營氣者隨大氣以行於經衛而衛氣出於下焦也

隧之內非營在脉中而何衛氣者不隨大氣而行而自

行於各經分肉之間。非衛在脉外而何。按靈樞非是行字。乃是在字。况

此二語分明指營衛之所在而言。還以在字爲的。至下文方有行字口氣。玩下文營周不休。五十而復大會。陰陽相貫如環無端四句。要知營周不休之營字。正指營氣之營。其下文衛氣行於陰二十五度。行於陽二十五度。分爲晝夜。故氣至陽而起。至陰而止。五句。方指衛氣言。奈本難卽從如環無端截斷。將下文衛氣行於陰二十五度。五句。不脩言之。又以故知營衛相隨也一句。總承據此一段。以細詳之。可見越人誤認營周不休之營。爲營行之營。而非營氣之營。又以營氣衛氣同行。經隧皆始于手太陰。而復會於手太陰。其病根正在於此。故首篇將營衛生會篇與營俱行于陽二十五度。行于陰亦二十五度。一周也。故五十度而復會于手太陰矣。數句。內于營字下添一其營氣之運行者。周流而不休。始

於手太陰。而復會於手太陰。一晝一夜。至五十度而復

大會焉。誠自陰經而行陽經。如自手太陰而自陽經而

行手陽明之類

行陰經。如自足太陽明而陰陽相貫如環之無端也。彼衛

氣者。目張則氣上行於頭。自足太陽手太陽足少陽手

少陽足陽明手陽明行於陽者二十五度。而陽盡則陰

受氣。自腎注心。注肺。注肝。注脾。行於陰者亦二十五度。

分爲晝夜。故氣自足太陽而起者。至足太陰而止也。乃

始於足太陽而復會於足太陽者矣。是以營在脉中。陰

雖爲陽之守。而其運行者未嘗息也。衛在脉外。陽實爲

陰之使。而其運行者亦未嘗息也。陰出之陽。而陽入之

陰。故知營衛之相隨有如此耳。此處以經義斷之。着不

人云然。愚姑依本文以釋之。若論大段的義。須至靈樞至陰而止。方着得此句之意。

經絡圖
難

自受氣于穀。直至如環之無端。出自靈樞營衛生會篇。
但將靈樞下文衛氣行於陰二十五度。至至陰而止。數
語遺下。則誤認營周不休之營字。為營運之運。而非營
氣之營。致疑衛氣與營氣皆會於手太陰。殊不知衛氣不
循經之義。今特條析。營衛生會篇。岐伯曰。人受氣於穀。
之以明岐伯本旨。

穀入於胃。以傳與肺。

始於中焦。而傳於五藏六府。

五藏六府皆以受

氣。

皆以受此精微之氣。

其清者為營。濁者為衛。

二句義見註中。

營氣在脉

中。

衛氣

在脉外。

營氣

周不休。五十而復大會。陰陽相貫。

如環無端。

以上四句言營衛氣行於陰二十五度行於陽二十

五度。分為晝夜。故氣

止。

已上五句言衛

故曰。日中而陽隴為重陽。

氣

夜半而陰隴為重

氣至陽

而起。

至陰

陰。

故太陰

手太陰肺

主內。

主宗

太陽

足太陽

主外。

主衛

各行。

各言

各行。

二十五度分爲晝夜

言營衛各行於晝者二十五度其

句總營衛言。

夜半爲陰隲夜半後而爲陰衰平旦陰盡而陽

受氣矣

此三句承上文夜半而陰隲爲重陰來明陰隲之後而陽繼之。

日中而陽隲日

西而陽衰日入陽盡而陰受氣矣

此三句承上文日中而陽隲爲重陽來明

陽隲之後而陰繼之。

夜半而大會萬民皆卧命曰合陰平旦陰盡

而陽受氣

此四句總承上文而言。

如是無已與天地同紀

自故曰以下至

此皆明晝夜運行之度有如此者正以人身脉氣之行與天地同紀也。

附考證

營衛之行如環

無端靈樞動輸篇黃帝曰營衛之行也上下相貫如環之

無端今有其卒然遇邪氣及逢大寒手足懈惰其脉陰

陽之道相輸之會行相失也氣何由還歧伯曰夫四末

上中下部之三焦者。其所稟所生之氣。從何而得之所起所止之處。從何而行之。其有病而治之也。常在何許。果可曉知以否也。然三焦者。由水穀之入於胃。而後能有精微之氣。宗氣之在上焦者。由是而稟受焉。有所稟則有所生矣。營氣出於中焦。是稟此精微之氣而生於中焦也。衛氣出於下焦。是稟此精微之氣而生於下焦也。故水穀入於上焦之所。化於中焦之所。出於下焦之所。誠水穀之道路耳。宗氣營氣始於手太陰而終於足厥陰。衛氣始於足太陽而終於足太陽。則氣之所以成始而成終者。又如是也。其所謂治在何許之意。下文乃

之上口。

即臍上五寸。臍上五寸。臍上五寸。

主水穀從是而納焉。而未嘗司夫出

也。其有疾而治之也。在臆中。

在臆中。岐伯曰。臆中者。臣使之官。

喜樂出焉。靈樞海論。岐伯曰。臆中者。為氣之海。

自縱而取之。在玉堂下一寸六

分。

正臆中穴也。玉堂。在天突下一寸。

自橫而取之。直兩乳間陷者是也。

宗氣會於臆中。

靈樞五味。刺節真邪。邪客等篇。皆云積於臆中。

故氣病治此穴

耳。中焦者。果何在乎。在胃之中脘。不上不下之間也。

上四寸。

主水穀從是而腐熟焉。其有病而治之也。在臍傍

而已。

臍傍二寸。名曰天樞。是陽明胃經穴。

下焦者。果何在乎。在臍下一寸。

即任脉經穴。

當膀胱之上口。主分別清濁。清者分入膀胱而

為小便。濁者分入大腸而為大便。主出而不納。以成傳

此乃上中下
之三焦故以
氣街為府若
手三陽之三
焦則既為心
包絡之府而
又必以此
為府之府乃
經宗合是之
義非藏府之
在此之不可
不知靈樞
氣為調氣
腰頭氣

道之功也。其有病而治之也。卽此臍下一寸之陰交穴耳。故由上文而統觀之。所以名之為三焦者。此也。然胃者。五藏六府之海也。此語見素問五藏別論逆調論六陰陽明論陰陽應象大論王機真其足陽明氣街一穴。即氣又三焦之為府焉。是可見三焦之所稟所生者。胃中水穀之氣也。所起所止者。上脘中脘臍下也。其有病而治之。則在臍中天樞陰交穴也。而三焦之府。又在氣街一穴。則總領吾身之元氣者。三焦也。所以為氣之終始者。此也。總領吾身之氣者。胃氣也。所以為水穀之道路者。此也。根本之地。寧有外于胃為五藏六府之海哉。

四考證

本節論所在所主似合靈

氣皆在衛則
氣衛氣衛氣
衛之氣衛更
為有理

經文正義以釋之耳其靈樞營衛生會篇論三焦之所

十一

經文正義以釋之耳其靈樞營衛生會篇論三焦之所
出已詳載第一難之下按胃之下口即臍上二寸名
曰下脘其臍上一寸名曰水分又曰分水言水穀由此
而分也今以下焦在臍下一寸陰文為分別清濁者何
哉要知下脘陰文皆係於任脉一經相去不遠必賴此
下焦以統攝于下脘水分神關陰交之所其穴雖殊其
氣則一貫也豈有斷續下其間耶此越人
遂謂臍下為分別清濁也學者不可不知

三十二難曰五藏俱等而心肺獨在臍上者何也然心者

血肺者氣血為榮氣為衛相隨上下謂之榮衛通行經絡

營周于外故令心肺在臍上也臍靈樞上臍篇從月者同榮的作營義見一難三十

難後世因營從木又有血為榮之語遂釋為榮者華也大非

此一篇言心肺之所以在臍上也臍膈膜也有遮隔之

義前齊鳩尾後齊十一椎。周圍着脊。所以遮隔濁氣。不使上薰心肺。故名曰隔。夫五藏均爲人之所重。而心肺獨在膈上。此越人之所以疑而難也。然此篇之義。其氣血營衛不可不詳。當解爲心者主血。肺者主氣。血屬於營。氣屬平衛可也。苟學者以辭而害志焉。則失內難之大旨矣。試以越人所謂心者血。血爲營者言之。謹按營衛生會篇言營氣出于中焦。蓋營氣者。陰氣也。水穀之精氣也。由中焦之氣。陽中有陰者。降而生陰。故曰清者爲營。又言中焦亦並胃中。出上焦之後。此所受氣者。泌糟粕。蒸津液。化其精微。上注于肺脉。乃化而爲血。以奉

生身。又靈樞邪客篇言營氣者。泌其津液。注之于脉。化以爲血。又靈樞決氣篇黃帝曰。何謂血。歧伯曰。中焦受氣。取汁。變化而赤。是爲血。夫觀營衛生會篇言精微上注于肺脉。蓋肺爲五藏之華蓋。而其系必本于心。脉氣相爲貫通。邪客篇言津液注之于脉。正言心主血脉也。決氣篇言中焦受氣。取汁。變化而赤。正以心主南方火。其色赤也。又按素問陰陽應象大論。歧伯曰。心生血。則越人所謂心者。血之言。良有理矣。但其所謂血爲營者。殊不知營乃陰精之氣也。血特營之所生者耳。而營非血之所能盡。今越人謂血爲營。豈知靈樞本神篇。歧伯

曰肝藏血。血舍魂。脾藏營。營舍意。分明營血自有分別。

何嘗即可指血為營耶。

張仲景傷寒論云其脉沉者營氣微也其脉浮而汗出如流珠

者衛氣衰也。觀此則曰營曰衛皆曰氣。而何嘗謂營為血耶。若成無已之註則誤矣。蓋以難經為主故也。又

以越人所謂肺者氣。氣為衛者言之。又按靈樞五味篇

伯高曰穀始入于胃其精微者先出于胃之兩焦。

中下焦

以溉五藏。別出兩行。

杭

營衛之道其大氣。

又名宗氣搏而不

行者積于胃中。命曰氣海。出于肺循喉咽故呼則出吸

則入。又按靈樞邪客篇岐伯曰五穀入于胃其糟粕津

液宗氣分為三隊故宗氣出于胃中出于喉嚨以貫心

脉而行呼吸焉。營氣者泌其津液注之于脉化以為血

衛氣者。出其悍氣之慄疾。而先行于四末。分肉皮膚之間而不休者也。又按靈樞衛氣行篇。歧伯曰。衛氣之行。陽氣出于目。目張則氣上行于頭。下足太陽。手太陽。足少陽。手少陽。足陽明。手陽明。行于晝二十五周。陽盡下行陰分。注腎。注心。注肺。注肝。注脾。復注于腎。亦如陽行者之二十五周。至次日目張。則仍始于太陽也。由此觀之。則吾身以宗氣為主。而衛氣謂之浮氣。乃陽氣之一偏者也。今越人曰。肺者氣正。以上焦之氣出于肺。而肺主乎氣。其言爲有理矣。又曰。氣爲衛。殊不知吾身之氣。有陰氣。營有陽氣。衛唯宗氣可以統之耳。而非衛之所

能盡必其曰氣屬乎衛斯可也斯則營主乎血之運陰

本在下也而陰中之陽者升下之未始不上也衛行乎

身之表陽本在上也而陽中之陰者降上之未始不下

也上下二字當作相隨上下謂之營衛通行經絡營衛

營運之營乃周于外自膈上而言可以言外故心既以主

乎血則一身之血資於心肺既以主乎氣則一身之氣

資於肺令其居膈上而處至尊也宜哉素問刺禁篇岐

伯曰鬲膈之上中有父母者其心肺之謂歟陽上善云

為育心為陽父也肺為陰母也肺主于氣心主于血其

管衛于身故為父母四明陳氏曰此特言其位之高下

耳若以五藏德化論之則尤有說焉心肺既能以血氣

生育人身則此身之父母也以父母之尊亦自然居于

上矣。

附考證

心者血。肺者氣。而肝又納血。又風傷血者為諸病。

素問五藏生成

篇。歧伯曰。諸血者皆屬於心。諸氣者皆屬於肺。又云。人

卧血歸于肝。肝受血而能視。足受血而能步。掌受血而

能握。指受血而能攝。卧出而風吹之。血凝于膚者為痺。

凝於脉者為泣。音凝凝于足者為厥。此三者。血行而不

得反其空。故為痺厥也。

附考證

心。肺有病。素問五藏

別論。歧伯曰。五氣入鼻。藏於心肺。心肺有病。而鼻為之

不利也。

附考證

五氣入鼻。色明聲彰。

素問六節藏象論。歧伯曰。

天食人以五氣。五氣入鼻。藏於心肺。上使五色脩明。音

聲能彰。

上三陽云。此篇註法與諸篇不同者。蓋不如是。則營衛血氣正義不明。如前人矣。故另為一斷。

解之法
者如此

三十三難曰。肝青象木。肺白象金。肝得水而沉。木得水而浮。肺得水而浮。金得水而沉。其意何也。然肝者。非爲純木也。乙角也。庚之柔。大言陰與陽。小言夫與婦。釋其微陽而吸其微陰之氣。其意樂金。又行陰道多。故令肝得水而沉也。肺者。非爲純金也。辛商也。丙之柔。大言陰與陽。小言夫與婦。釋其微陰。婚而就火。其意樂火。又行陽道多。故令肺得水而浮也。樂音洛下同

此一節言肝之所以得水而沉。肺之所以得水而浮也。東方甲乙木。其色青。肝爲乙木。色亦青。象乎木也。西方

庚辛金。其色白。肺爲辛金。色亦白。象乎金也。夫水性屬陽。凡物必浮。肝既象木。宜乎得水而浮也。而今則沉焉。彼木則得水而浮。其意何不同也。金性屬陰。凡物必沉。肺既象金。宜乎得水而沉也。而今則浮焉。彼金則得水而沉。其意何不同也。意之爲言義也。然而木之爲物固浮也。肝則非純木也。肝爲東方之乙。非甲角也。角者。東方之音也。乙角者。陰角也。彼庚之陽金來乘陰柔之木。所謂庚與乙合。有夫婦之道焉。故曰陰曰陽。自其大者而論之也。曰夫曰婦。自其小者而論之耳。不可謂之非陰陽也。甲本陽木。而爲乙之兄。乙雖陰木。而爲

甲之妹均之臨官于寅帝旺于卯者也。此乙之所以有微陽也。木受氣於申。培胎於酉。則亦有金之微陰者焉。得金之氣。已寓能沉之意矣。今而爲庚之婦。則釋其木性之微陽。而吸其金氣之微陰。陰陽配合。其意殊樂金也。且其受氣培胎。固在于申酉矣。而又養於戌。長生于亥。沐浴于子。冠帶于丑。皆陰道也。其行陰道也不既多乎。此肝之爲木。非純陽也。則亦非純木也。故令得水而沉也。豈可以木之得水而浮者。例論哉。金之爲物。固沉也。肺則非純金也。肺爲西方之辛。非庚商乃辛商也。商者西方之音也。辛商者陰商也。彼丙之陽火。來乘陰乘。

之金。所謂丙與辛合。有夫婦之道焉。故曰陰曰陽。自其大者而論之也。曰夫曰婦。自其小者而論之耳。不可謂之非陰陽也。庚本陽金。而爲辛之兄。辛雖陰金。而爲庚之妹。均之臨官于申。帝旺于酉者也。此辛之所以有微陰也。金受氣于寅。培胎於卯。則亦得木之氣焉。得木之氣。已寓能浮之意矣。今而爲丙之婦。則釋其金性之微陰。婚而就火。陰陽配合其意殊樂火也。且其臨官帝旺。雖在于申酉矣。而受氣于寅。培胎于卯。養于辰。長生于巳。沐浴于午。冠帶于未。皆陽道也。其行陽道也。不既多乎。此肺之爲金。非純陰也。則亦非純金也。故令得水而

浮也。豈可以金之得水而沉者例論哉。

肺熟而復沉。肝熟而復浮者。何也。故知辛當歸庚。乙當歸甲也。

此一節言肝肺之熟者。有以變其生性而復其本性也。言肺得水而浮矣。及其熟也。則又得水而沉焉。肝得水而沉矣。及其熟也。則又得水而浮焉。其意何也。然庚之爲金純金也。肺雖非純金。而其本性則金也。今從而熟之。則變其生時樂火之性而復其金之本性。以同歸于庚之純金者。宜也。豈有不得水而沉者乎。甲之爲木純木也。肝雖非純木。而其本性則木也。今從而熟之。則變

其生時樂金之性而復其木之本性以同歸於甲之純木者宜也豈有不得水而浮者乎

附錄

楊氏曰乙

帶水氣已帶木氣辛帶火氣癸帶土氣皆此五行王相配偶故言甲非為純木也木生于亥而壬于卯故言行陰道多東方甲乙木畏西方庚辛金故釋其妹乙嫁庚為婦故言庚之柔柔陰也乙帶金氣以歸故令肝得水而沉虞氏曰乙與庚合從夫之姓故得水而沉又楊氏曰肝生沉而無浮此是死則歸木之義氣熱論死也按此篇大意內經無之然此與心肺居上大小腸居下及耳能聞聲鼻知香臭等義非越人之得於聰明穎悟則必有所本也

三十四難曰五藏各有聲色臭味皆可曉知以不然十變言肝色青其臭臊其味酸其聲呼其液泣心色赤其臭焦其味苦其聲言其液汗脾色黃其臭香其味甘其聲歌其

液涎。肺色白。其臭腥。其味辛。其聲哭。其液涕。腎色黑。其臭腐。其味鹹。其聲呻。其液唾。是五藏聲色臭味也。王三陽云。前後聲色。

臭味下。皆當有液字。

此一篇言五藏之各有聲色臭味液也。十變係古經篇

名。觀本文有言字可知。舊說以五藏五府共為十變。強解者非。言五藏各有聲色臭

味。皆可曉知以否也。然五藏各有所主。肝主色。應甲乙

木。心主臭。應丙丁火。脾主味。應戊己土。肺主聲。應庚辛

金。腎主液。應壬癸水。此五藏之所主者然也。今據十變

之言考之而可知矣。肝主色。而五藏之色皆其所變。素問

六節藏象論。岐伯曰。草生五色。五色之變不可勝視。心主臭。而五藏之臭皆其所

變脾主味而五藏之味皆其所變

素問六節藏象論岐伯曰草生五味五

之變不可勝極又曰天食人以五氣地食人以五味又

曰五味入口藏于腸胃味有所藏以養五藏氣素問生

氣通天論黃帝曰陰之所生本在五味陰之五宮傷在

五味素問藏氣法時論篇岐伯曰辛散酸收甘緩苦堅

鹹濡毒藥攻邪五穀為養五果為助五畜為益五菜為

充氣味合而服之以補精益氣此五者有辛酸甘苦鹹

各有所利或散或收或緩或急或堅或堅肺主聲而五藏之

或與四時五藏病隨五味所宜也

聲皆其所變腎主液而五藏之液皆其所變茲以肝言

之肝屬東方木從木之色故色青

素問金匱真言論岐伯曰東方青色入通

肝得火之變其臭臊

素問金匱真言論岐伯曰其臭臊

木曲直作酸故

其味酸

素問金匱真言論岐伯曰其味酸素問宣明五

氣論酸走筋筋病無多食酸靈樞九鍼論皆曰

酸入肝素問五藏生成篇曰肝欲

木受金之變故發為

酸又曰多食酸則肉眊而唇揭

呼。素問陰陽應象大論。目為肝之竅。水行液于肝。主泣。

在目也。素問金匱真言論。岐伯曰。開竅于目。宣明五藏。論曰。肝為淚。靈樞九鍼論。岐伯曰。五液肝主泣。

又以心言之。心屬南方火。從火之色。故色赤。素問金匱真言論。岐伯曰。南方赤。火盛則焦苦。故其臭焦。

素問金匱真言論。岐伯曰。其臭焦。火炎上作苦。故其味苦。素問金匱真言論。岐伯曰。其味苦。素問宣明五氣論曰。苦傷骨。

素問宣明五氣論曰。苦傷骨。藏生成篇曰。心欲苦。又曰。多食苦則皮槁而毛拔。於火成夫婦之道。相見必發聲。故為言。素問陰陽應象大論。岐伯曰。在

素問宣明五氣論曰。在聲為汗。汗為血之屬。心主血。其液為汗。素問宣明五氣論曰。五藏化液

岐伯曰。五藏化液心為汗。靈樞九鍼論。又以脾言之。脾屬中央土。從土之

色。故色黃。素問金匱真言論。岐伯曰。中央黃色。入通於脾。臭香者。土之化也。故

岐伯曰。中央黃色。入通於脾。臭香者。土之化也。故

岐伯曰。中央黃色。入通於脾。臭香者。土之化也。故

岐伯曰。中央黃色。入通於脾。臭香者。土之化也。故

其臭香

素問金匱真言論岐伯曰其臭香

土爰稼穡稼穡作甘故其味

甘

素問金匱真言論岐伯曰其味甘素問五藏生成篇曰脾欲甘

又曰

多食甘則骨痛而髮落

金土相生母子相見發聲

為歌

素問陰陽應象大論岐伯曰在聲為歌

液下脾為涎口乃脾之竅故

涎從口出也

素問陰陽應象大論岐伯曰在竅為口素問宣明五氣論岐伯曰脾為涎靈樞九

論岐伯曰五

又以肺言之肺屬西方金從金之色故色

白

素問金匱真言論岐伯曰西方白色入通于肺臭腥者金之化也故其臭腥

素問金匱真言論岐伯曰其臭腥

從革作辛故味辛

素問金匱真言論岐伯曰其味辛靈

樞九鍼論素問宣明五氣論皆云辛入肺素問五藏生成篇曰脾欲辛又曰多食辛則筋急而爪枯又曰辛走

氣氣病無多食辛

五音之發在乎金金玉肅殺悽愴悲愁其聲

為哭。素問陰陽應象大論。岐伯曰：在聲為哭。鼻乃肺之竅。液在肺為涕。故

從鼻中出也。素問陰陽應象大論。岐伯曰：在竅為鼻。素問宣明五氣論。岐伯曰：肺為涕。靈樞九鍼

論。岐伯曰：肺主涕。涕泣淚之義。詳見素問解精微篇。又以腎言之。腎屬北方水。從

水之色。故色黑。素問金匱真言論。岐伯曰：北方黑色。入通于腎。火主臭。在水其

臭腐。素問金匱真言論。岐伯曰：其臭腐。水之味潤。下作鹹。故其味鹹。素問

金匱真言論。岐伯曰：其味鹹。素問宣明五氣論。靈樞九鍼論皆云：鹹入腎。素問五藏生成篇。腎欲鹹。又云：鹹走

血。血病無多食鹹。金變其聲呻。子之見母。乃發嬌呻之聲。素問陰陽

應象大論。岐伯曰：在聲為呻。五液皆出於水。水行五液。分灌五藏。故

腎主骨。齒為骨之餘。則腎之液從齒中而生為唾也。靈樞

決氣篇。岐伯曰：穀入氣滿。渾渾注于骨。骨屬屈伸。洩澤補益腦髓。皮膚潤澤。是謂液。素問宣明五氣論。岐伯曰：

腎為唾靈樞九藏論岐伯曰腎主唾五腔津液別篇黃帝問于歧伯曰水穀入于口輸于腸胃其液別為五天寒衣薄則為溺與氣天熱衣厚則為汗悲哀氣充則為泣中熱胃緩則為唾邪氣內逆則氣為之閉塞而不行不行則為水脹

是五藏之聲色臭味也

味字下亦當有液字

此一句結言五藏之各有聲色臭味液其數易陳其義為易知者有如是也

五藏有七神各何所藏耶然藏者人之神氣所舍藏也故肝藏魂肺藏魄心藏神脾藏意與智腎藏精與志也

五藏然藏

二藏字俱去聲餘俱平聲

此一節言五藏之藏七神也按靈樞本神篇黃帝曰何

謂德氣生精神。鬼鬼心意志。思智慮。歧伯曰。天之在我

者德也。地之在我者氣也。

靈樞決氣篇。歧伯曰。上焦開

若霧露之既。是謂氣。德流氣薄而生者也。故生之來謂

之精。

靈樞決氣篇。歧伯曰。兩神相搏。合而成

謂之神。隨神往來者謂之魂。並精而出入者謂之魄。所

以任物者謂之心。心有所憶謂之意。意之所存謂之志。

因志而存變謂之思。因思而遠慕謂之慮。因慮而處物

謂之智。今日七神者。魂魄神意智精志也。夫肺心脾肝

腎。止有五藏耳。而其所藏者。則有七神。是果何藏主何

神耶。然謂之曰藏者。乃人之神氣所舍藏也。固可以顧

名而思義者矣。故魂之爲神。肝藏之也。魄之爲神。肺藏之也。神之爲神。心藏之也。意與智之爲神。脾藏之也。精與志之爲神。腎藏之也。素問金匱真言論岐伯曰夫情者身之本也豈非以五藏而藏七神者乎。

正考證

五藏有五神之說素問宣明五

氣論云。五藏所藏。心藏神。肺藏魄。肝藏魂。脾藏意。腎藏志。是謂五藏所藏。

附考證

各神皆有所傷靈樞本神篇岐伯

曰。怵惕思慮者。則傷神。神傷則恐懼流淫而不止。因悲哀動中者。竭絕而失生。喜樂者。神憚散而不藏。愁憂者。氣閉塞而不行。盛怒者。迷惑而不治。恐懼者。神蕩憚而不收。心怵惕思慮則傷神。神傷則恐懼自失。破脰脫肉。

毛悴色夭。死於冬。脾愁憂而不解。則傷意。意傷則魄亂。四肢不舉。毛悴色夭。死於春。肝悲哀動中。則傷魂。魂傷則狂。志不精。不精則不正。當人陰縮而攣筋。兩脇骨不舉。毛悴色夭。死於秋。肺喜樂無極。則傷魄。魄傷則狂。狂者意不存。人皮革焦。毛悴色夭。死於夏。腎盛怒而不止。則傷志。志傷則喜忘。其前言腰脊不可以俛仰屈伸。毛悴色夭。死於季夏。熱濕而不解。則傷精。精傷則骨痠痿厥。精時自下。是故五藏主藏精者也。不可傷。傷則失守。而陰虛。陰虛則無氣。無氣則死矣。又曰。肝藏血。血舍魂。肝氣虛則恐。實則怒。脾藏營。營舍意。脾氣虛則四支不

用五藏不安實則腹脹經澁不利心藏脉脉舍神心氣
虛則悲實則笑不休肺藏氣氣舍魄肺氣虛則鼻塞不
利少氣實則喘喝腎盈仰息腎藏精精舍志腎氣虛則
厥實則脹五藏不安必審五藏之病形以知其氣之虛
實謹而調之也素問調經論大意歧伯曰心藏神肺
藏氣肝藏血脾藏肉腎藏志而此成形志意通內連骨
髓而成形五藏之道皆出于經隧以行血氣血氣
不和百病乃變化而生是故守經隧焉靈樞本藏篇
歧伯曰志意者所以御精神收魂魄適寒溫和喜怒者
也志意和則精神專直魂魄不散悔怒不起五藏不受

邪矣。寒溫和則六府化穀。風痺不作。經脉通利。肢節得安矣。又云。五藏者。所以藏精神血氣魂魄者也。

三十五難曰。五藏各有所府。皆相近。而心肺獨去大腸小腸遠者。何謂也。經言心營肺衛。通行陽氣。故居在上。大腸小腸傳陰氣而下。所以相去而遠也。主三腸云首句所字爲句熊宗立府字連

非讀者

此一節言心肺之與大腸小腸所以相去之遠也。夫人心肺居上。腎肝居下。脾居中州。固各有其所矣。故脾以胃爲府。是脾與胃相近也。肝以膽爲府。是肝與膽相近也。腎以膀胱爲府。是腎與膀胱相近也。惟心以小腸爲

府。肺以太腸爲府。而心肺則在膈上。小腸大腸則在膈下。其藏府獨相去之遠者何也。蓋經言水穀入胃。其營氣出於中焦。卽水穀之精氣也。所以主之者心耳。衛氣出於下焦。卽水穀之悍氣也。所以主之者肺耳。心爲陽中之陽。肺爲陽中之陰。皆所以通乎陽氣者也。陽氣者。卽宗氣在於上焦。以陽氣而統陰者也。惟心營肺衛之通乎陽氣。故宜居乎膈之上耳。彼大腸小腸傳道陰氣而下。故宜居乎膈之下也。然則居上居下。正以所司有清陽濁陰之分耳。所以心與小腸相去而遠。肺與大腸相去而遠者。謂不有由然哉。

附考

陰陽有清濁素

問陰陽應象大論歧伯曰清陽出上竅濁陰出下竅。又云清陽實四支濁陰歸六府。又云陰味出下竅陽氣出上竅。又云清陽上天濁陰歸地。按陳氏曰心肺能以血氣生育人身則此身之

父母也。父母之尊理當居上。故曰膈膜之上中有父母。

又諸府者皆陽也。清淨之處。今大腸小腸胃與膀胱皆受不淨其意何也。然諸府者謂是非也。經言小腸者受盛之府也。大腸者傳瀉行道之府也。膽者清淨之府也。胃者水穀之府也。膀胱津液之府也。一府猶無兩名。故知非也。小腸者心之府。大腸者肺之府。胃者脾之府。膽者肝之府。膀胱者腎之府。小腸謂赤腸。大腸謂白腸。膽者謂青腸。胃者

謂黃腸。膀胱者謂黑腸下焦所治也。

道去聲

此一節承上文大腸小腸傳陰氣而下遂言諸府皆非清淨之處異于膽之可以稱清淨之府也。夫諸府者較之于藏皆屬乎陽也。陽主氣氣宜清淨則皆當為清淨之處也。今大腸小腸胃與膀胱皆受不淨之物而不得有清淨之名者何也。然諸府者各有所司若槩謂其為清淨之處則非也。試以經言觀之而知其各有所司矣。經言小腸者受盛之府也大腸者傳瀉行道之府也。膽者清淨之府也。胃者水穀之府也。膀胱者津液之府也。是諸府之各有所司者如此則一府而猶無兩名之稱。

故知稱爲清淨之府者。唯膽足以當之。其餘不得爲清淨之處。而非可以有清淨之名也。蓋諸府體爲陽而用則陰。素問陰陽應象大論所謂濁陰歸六府者是已。云又濁陰出下竅。又且諸府之各有所司者。正以其爲五藏云。陰味出下竅。之府耳。小腸爲心之府。大腸爲肺之府。胃爲脾之府。膽爲肝之府。膀胱爲腎之府。其爲府者。各與藏合。惟膽爲肝之府。則清淨之府。必爲膽者。始得而有之也。而于諸府何與。去聲哉。然諸府雖不得與於清淨之名。而皆可以謂之腸焉。小腸謂之赤腸。從心主南方火之色也。大腸謂之白腸。從肺主西方金之色也。膽者謂之青腸。從肝

主東方木之色也。胃者謂之黃腸。從脾主中央土之色也。膀胱者謂之黑腸。從腎主北方水之色也。故膀胱為下焦之所屬。清濁賴之以分別焉。夫謂之曰腸。則未有不受不淨之物者。唯膽則受精汁三合。雖所以受物。而非甚不淨也。彼諸府則異於是矣。焉得與清淨之名而並稱也哉。

正考證

本節之辭。出自靈樞本。輸篇。但不能盡合耳。

歧伯曰。肺

合大腸。大腸者。傳道之府。心合小腸。小腸者。受盛之府。肝合膽。膽者。中精之府。脾合胃。胃者。五穀之府。腎合膀胱。膀胱者。津液之府也。少陽三焦屬腎。腎上連肺。故將兩藏三焦者。中瀆之府也。水道出焉。屬膀胱。是孤之府也。

是六府之所與合者。

三十六難曰。藏各有一耳。腎獨有兩者。何也。然腎兩者。非皆腎也。其左者爲腎。右者爲命門。命門者。諸精神之所舍。原氣之所係也。故男子以藏精。女子以係胞。故知腎有二也。

此一篇言腎之所以爲兩也。夫人有五藏。曰心曰肺曰脾曰肝。皆各有一物耳。唯腎之一藏。獨有兩枚者。何也。然腎之爲兩者。非皆曰腎也。其左者爲腎而屬水。其右者爲命門而屬火。有手厥陰心包絡之相火以助君火而行命令。其手少陽爲之府。亦爲相火。此命門者。諸藏精神之所舍。原氣之所係也。原氣者。

腎間動氣也。十二經之根本也。男子得此命門而精

有所藏。水。素問上古天真論岐伯曰。腎主

而能有所繫。胞者。受胎之所。素問奇病論岐伯曰。胞絡

者。心而絡於胞中。愚謂此胞絡者。乃子則此命門者。

戶中胞宮之絡脉。非謂心包絡之包絡也。則此命門者。

殆與左腎為相對矣。故知腎之所以有二也。按素問各

經。未嘗有左為腎。右為命門之說。唯腎脉一經。十四椎

下。有命門穴。左右各開一寸半。有腎俞穴。則知腎分明

有兩。附於腎俞穴之內。而命門穴居其中。可見兩腎皆

可稱為命門也。又素問上古天真論岐伯曰。腎者主受

五藏六府之精而藏之。又見左腎與右腎同。皆能藏精

難經正義卷之四 終